

TU'UTU'U I LE LOLOTO: Aso Tofi Luni 15 2023

FAATOMUAGA

Ua fa'aalia le agaga fiafia o le 'Autau o le Fa'aolataga i Fiti ina ua talimalō ai mo le mafutaga tatalo. I totonu o Fiti, e iai lava le taimi o lea aiga ma lea aiga e fa'atasitasi ai ma tatalo faatasi (masumasu vata vaka-ike). E iai foi tagata e auai mai i le 'Autau o le Fa'aolataga e tatalo faatasi i le taimi e tulivae ai i le Atua i Aso Sā faapea taimi e vaevae ai i vaega eseese, ua faaigoaina o Vaega mo le Ola.

O le isi mamanu o le tatalo o le Pese, e pei ona fiafia ai tagata Fiti e pepese, e faailoa atu ai mafaufauga loloto i le agalelei ma le alofa o le Atua, le alofa mutimutivale ma le faamaoni.

TOE TOMANATU

O lo o talanoa mai tusitusiga paia e uiga i le pese, o le isi lea auala e mafai ai ona tatalo. O le pese e fesoasoani ia i tatou e talanoa atu ai i le Atua; o pese e fesoasoani e aumaia upu o le tatalo ma tusitusiga paia i ō tatou loto ma ō tatou laulau faiva i le aso.

I taimi tatou te maua ai le fiafia, tatou te usuina viiiga i le Atua e faailoa ai lona maoae, o lona matagofie ma ana galuega fa'avavega. A'o taimi sili ona tatou vaivai ai ma le nutimomoia, tatou te vivii atu ma lafoai atu o tatou ola ma ole atu ia te ia e fa'amalūlūina o tatou loto, fa'apupula o tatou mata, ma toe fa'aatoatoaina i tatou e ala i le atoaga o lona alofa tūnoa.

E faapena foi i taimi tatou te faanoanoa ai, tatou te lē maua ni upu e faailoa atu ai ō tatou manatu ma lagona ia te ia, a'o le usuina o upu o pese e fesoasoani e faailoa atu ai o tatou tagata i lo tatou Atua. E ese le matagofie o le i ai i le afoaga o le Atua e ala i pese e pei ona molimauina e le toatele o I tatou.

I le 1758, na fa'alauiloa ai e Charles Wesley, o le uso o John Wesley, le tu'ufaatasiga o Viiga fa'aleagaga e 40. O nei viiga o fa'ataitaiga o tatalo faatoga ua tuuina i musika. E ui lava o nisi o nei viiga e le'o toe usuina i nei onapō, ae na tele se fesoasoani mo tagata inā aso. O nei viiga sa setiina i le musika ina ia mafai e tagata ona a'oa'o ma tauloto iā latou tatalo i vaiaso taitasi.

Faitau le **Salamo 95:1–11** ma mafaufau i fesili nei:

- O ā ni uiga e tatau ona fa'atumuina ai ō tatou loto, pe a tatou to'otutuli i luma o le Alii, o lē na faia i tatou?
- O le ā sou manatu e ala i le tatalo ma le pese i le Atua?
- O ā ni pese e fesoasoani ia te oe e feso'otai ai ma le Atua?

FA'ATINOGA FA'ALEAGAGA

Faalogologo pe usuina pese faa—Kerisiano

O se auala e feso'otai ai ma le Atua i lenei vaiaso, aiseā e le fa'aavanoa ai sina taimi e tapuai ai ma le loto atoa ma tatalo e ala i pese. E mafai ona fa'auigaina o lou fa'alogologo lea i viiga fa'aleagaga. Atonu e uma ane ua e fa'aleoteleina le musika ma e pese atu ai ma oe. Pe na e mafaufau muamua e tusi se pese mo le Atua? Aiseā e lē fa'aavanoaina ai sina taimi e ole atu ai i le Agaga Paia e musuia oe i se pese? Matou te fiafia e faalogo i soo se mea e mafaia ona fai.

Afai o loo e sailia ni fautuaga mo ni pese talafeagai mo le fa'alogologo, o nisi nei o pese:

- 'Agaga Paia' usuina e Francesca Battistelli
- 'Aumaia ia i matou lima mamā' usuina e Chris Tomlin
- 'Le Alii e, Ua Ou Sauni ' usuina e Plumb

VAEGA E TATALO AI

- Ole atu i le Atua e tu'utu'u atu i le loloto le so'otaga ma ia e ala i le tatalo i lenei vaiaso.
- Tatalo mo ā tatou tagata musika i le teritori atoa, ina ia mafai ona fa'aogaina i latou e auauna i le Atua e ala i musika.
- Tatalo mo le musumusuga a le Agaga Paia mo i latou o lo o iai le taleni o le tusiaina o pese.

Tusa lava pe ala atu i upu po o musika, ia tatou lotomauualalo iā tatou tatalo ma tuuina atu ō tatou ola i le mamalu o le Atua.